



HAURTZO POLITA

Haurtxo polita sehaskan dago
zapi zuritan txit bero.
Amonak dio, ene potxolo!
Arren egin ba lo, lo!
Amonak dio, ene potxolo!
Arren egin ba lo, lo!
Txakur handia etorriko da
zuk ez baduzu egiten lo.
Horregatik ba ene potxolo!
Egin agudo lo, lo, lo
Horregatik ba, ene potxolo!
Egin agudo lo, lo, lo.



ARRE ARRE MANDAKO

Arre arre mandako
bihar Tolosarako
etzi Iruñerako
handik zer ekarriko?
zapata ta gerriko!
hura zeinentzako?
Zuretzako!


PARISTIK NATORREN

Paristik natorren artista bat naiz ni.
Paristik datorren artista bat haiz hi.
Ondo jotzen dut! baita guk ere!
Danborra nik jotzen dut! Pron, pron, pron,
Paristik natorren...
Biolina nik jotzen dut! Tiriri, tiriri,...
Pron, pron, pron
Paristik natorren...
Turuta nik jotzen dut! Tururu, tururu,...
Tiriri, tiriri,... Pron, pron, pron,
Paristik natorren...
Txindata nik jotzen dut! Txindata, txindata,...
Tururu, tururu,... Tiriri, tiriri,... Pron, pron, pron,
Paristik natorren...
Tronboia nik jotzen dut! Pra, pra, pra,...
Txindata, txindata,... Tururu, tururu,...
Tiriri, tiriri,... Pron, pron, pron.



RAN ROBER RAN

Uztaiak gora gora
lurretik zerura
jira alde batera
ta gero bestera
ta behera, behera, behera
ta behera, behera bai
uztai barruan preso
gelditu naiz orain!
Ran rober ran, po, po, po, po, po, po, po, po
ran rober ran, po, po, po, po, po, po.



PINTTO

Pintto, Pintto
gure txakurra da ta
Pintto, Pintto
bere izena du.
Zuri-beltza da ta
ez du koska egiten
begi bat ixten du
jolastu nahi badu.

KINKIRRINERA

Ala kinkirrinera
ala xamurrera
(izena) plaza berriko
jira hadi beste aldera!




ERAGIOZU

Eragiozu eskutxoari
eskutxo txiki polita horri.
Eragiozu burutxoari,
burutxo txiki polita horri.
Eragiozu hankatxoari,
hanka txiki polita horri.



SAGARRA MANTZANA

Sagarra mantzana,
ikatzakarbon,
mujer andria
ta hombre gizon.
Xanti, Xanti, Xanti, txiribi txiribitero,
Xanti, Xanti, Xanti, txiribi txiribiton,
txin pon!



IKUSI IKUSI HAN

Ikusi ikusi han
teilatu gainean
kriston aberea
triziklo gainean
tronpa du aurrean
isatsa atzean
ja, ja, ja, ja
elefantea da!

ASTOAK AJA-JA

Astoak aja-ja
txakurrak uau-uau!
oilarrak ku-ku-rru-ku!
katuak miao-miao!
Eta kanta, kanta, kanta, kantari;
eta dantza, dantza, dantza, dantzari.
Eman, eman, eman bai danborrari,
eman, eman, eman bai turutari..
Gaur arratsaldean abere denak
menditik zelaira etorri dira. (bis)
Eta kanta, kanta...



Astoak ostikoz, zakurrak hozka,
oilarrak mokoka, katuak zarpa!
Eta kanta, kanta..
Astoa beheraka, zakurra gora,
oilarra hegan, katua jiran. (bis)
Eta kanta, kanta...


SORGINA PIRULINA

Sorgina pirulina
erratza gainean
ipurdia zikina
kapela buruan.
Sorgina, sorgina
ipurdia zikina!
Tentela zara zu?
Ezetz arrapatu!
Sorgina pirulina...




XAGU TXIKI

Xagu txiki, xagu maite,
zulotxoan gorde zaitez.
Zapik ikusten bazaitu
kris kras jan egingo zaitu.
Ez nau jango!
Jango zaitu!



EPO ITAI TAI YE

Epo itai tai ye!
Epo itai tai ye!
Epo itai tai epo
ituki tuki epo
ituki tuki ye.



XOXOA

Xoxoak galdu du mokoa,
mokoa galdu du xoxoak gaixoa...
Nola kanta, nola txirula,
nola kanta xoxoak?

